



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

VII. Recensentur indulgentiæ locales à diversis Romanis Pontificibus
concessæ, visitantibus Ecclesias Ordinis Carmelitarum.

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

CAPUT VII.

Recensentur Indulgentia locales à diversis Romanis Pontificibus concessæ, visitantibus Ecclesias Ordinis Carmelitarum.

DISSERUITMUS hæcenus de Indulgentijs personalibus concessis Confratribus nostris Sodalitatis Mariani SCAPULARIS, superest modo, ut nonnulla dicamus de indulgentijs localibus, quas diversi summi Pontifices omnibus Christi Fidelibus Ecclesias nostras visitantibus elargiti sunt, quasque refert, approbat & confirmat GREGORIUS XIII. in Bulla, Vt laudes. die 13. Septembris an. 1577. quarum Summariũ tenoris est sequentis.

LEO Papa IV. omnibus Christi Fidelibus, qui Ecclesias B. MARIE de monte CARMELO hujusmodi in festis, Nativitatis Dominicæ, Paschæ, Pentecostes, Apostolorum Petri & Pauli, Assumptionis, Nativitatis, Annuntiationis, Purificationis DEI Genitricis MARIE, S. Michaëlis Archangeli, omnium Sanctorum, in duobus festis S. Crucis, Nativitatis S. Joannis Baptiste, SS. Martirum Fabiani & Sebastiani, & in die Parasceves, & per octavas præfatarum festivitatum, & vocabulis omnium Ecclesiarum dicti Ordinis, devotè visitaverint, septem annos & totidem quadragenas.

2. ADRIANUS II. STEPHANUS V. SERGIUS III. JOANNES X. JOANNES XI. SERGIUS IV. & INNOCENTIUS IV. omnibus, Christi Fidelibus, verè pœnitentibus, contritis & confessis, qui præfatas Ecclesias piè visitaverint in præfatis Festivitatibus, & earum Octavis, tertiam partem omnium peccatorum in Domino relaxarunt.

3. CLEMENS III. ALEXANDER II. GREGORIUS V. & VII. in præfatis festis, & in quolibet eorundem similem gratiam largiti sunt.

4. CLEMENS IV. iisdem Christi Fidelibus, qui præfatas Ecclesias quater in anno visitaverint, videlicet in quatuor Festivitatibus ejusdem

252.

Referuntur festa, quibus Christi Fideles visitando Ecclesias Carmelitarum varias indulgentias lucrari queunt.

Y y

eiusdem DEI Genitricis MARIÆ, triginta annos, & totidem quadragenas piè concessit.

5. INNOCENTIUS IV. & GREGORIUS VIII. concesserunt qualibet die, cuilibet dicenti *Pater noster*, & *Ave Maria* in diebus festis semel pro vivis & defunctis, quadraginta dies indulgentiarum.

6. HONORIUS III. & NICOLAUS IV. verè pœnitentium omnium suorum peccatorum veniam polliciti sunt.

7. HONORIUS IV. omnibus verè pœnitentibus & confessoribus dicti Ordinis Ecclesias visitantibus, quadraginta annos, & totidem quadragenas, de injunctis eis pœnitentijs; videlicet in festo vocatorum ipsarum Ecclesiarum, & in die sancto Parasceves, necnon die S. Crucis, ac in Festivitatibus Nativitatis, Annuntiationis, Purificationis & Assumptionis DEI Genitricis MARIÆ misericorditer in Domino relaxavit, & concessit.

8. BENEDICTUS XI. omnibus verè pœnitentibus & confessoribus, qui ter in hebdomada, videlicet Quadragesimali tempore, scilicet quarta & sexta ferijs, atq; etiam in festis vocabulorum dicti Ordinis, nec non in diebus Sabbatinis ob B. DEI Genitricis reverentiam, & in diebus Dominicis easdem Ecclesias piè visitaverint, quadraginta annos & totidem quadragenas, & omnium peccatorum septimæ partis remissionem in Domino relaxavit: omnemque indulgentias, & peccatorum remissiones à suis Prædecessoribus Romanis Pontificibus dicto Ordini concessas, in diebus & festis prædictis duplicando.

253.

9. JOANNES XXII. omnes indulgentias & peccatorum remissiones à Romanis Pontificibus Prædecessoribus suis dicto Ordini concessas, confirmavit, ac quadraginta annos, & totidem quadragenas, de injunctis pœnitentijs universis Christi Fidelibus, dicti Ordinis Ecclesias in qualibet solemnitate quatuor Festivitatibus B. DEI Genitricis MARIÆ, videlicet Nativitatis, Annuntiationis, Purificationis & Assumptionis visitantibus, contritis & confessoribus, in Domino piè concessit.

Quas indulgentias consequantur Fideles appellan-

10. URBANUS VI. perpetuò concessit his, qui Ordinem Carmelitarum, & Fratres eiusdem Ordinis, *Ordinem seu Fratres Ordinis gloriosissima DEI Genitricis, semperq; Virginis MARIÆ de monte Carmeli* vocaverint, nominaverint & appellaverint, si in gratia extiterint tres annos & totidem quadragenas indulgentiarum.

11. NICOLAUS V. omnes indulgentias & peccatorum remissiones, ac omnia Privilegia dicto Ordini concessa à supradictis Romanis Pontificibus Prædecessoribus suis, in præfatis diebus, & festis, motu proprio duplicando confirmavit, atq; annos septem, & totidem quadragenas in Domino relaxavit.

tes Carmelitas, Fratres B. MARIÆ semper Virginis

12. SIXTUS IV. omnes indulgentias Ordini prædicto, illius domibus, Ecclesijs, ac personis utriusq; sexus in genere, vel in specie quomodolibet concessas, in suo robore, in suaq; firmitate confirmavit, approbavit, & de novo concessit; & in Conceptionis, Nativitatis, Præsentationis, Annuntiationis, Visitationis, Purificationis & Assumptionis B. DEI Genitricis MARIÆ Festivitatibus, & per septem dies sequentes, & in diebus vocabulorum Ecclesiarum, visitantibus Ecclesijs, triginta annos, & totidem quadragenas de injunctis pœnitentijs misericorditer in Domino relaxavit.

13. Tandem CLEMENS VII. visitantibus prædictas Ecclesias, indulgentias stationum Ecclesiarum almæ Urbis, tam intus quàm foris, temporibus quibus eadem indictæ sunt, indulgit & concessit. Quas etiam PIUS V. approbavit, & confirmavit.

Supradictus verò GREGORIUS XIII. voluit & decrevit, ut exemplis supradictarum indulgentiarum, etiam impressis, manu publici Notarij subscriptis, ac dicti Ordinis Generalis Magistri, vel Ordinis Sigillo obsignatis, eadem prorsus fides adhibeatur, quæ Originali ipsi adhiberetur. Et summus Pontifex PAULUS V. permisit, post supradictam indulgentiarum revocationem, ut omnes modo dictæ indulgentiæ possint publicari: uti testatur præter aliorum P. Cyprianus à S. MARIA in suo *Thesauro Carmelit.* 1. part. cap. 22.

CAPUT VIII.

Methodus traditur, ac conditiones proponuntur in prædictarum Indulgentiarum lucro necessariò observande.



T tradamus modum, quo Fideles suprâ memoratas indulgentias assequi valeant, diligenter animadvertendum est, quòd aliqua ex illis, ut videre est in Bulla SIXTI IV. Dum attentâ meditatione pensamus. sub dat. Romæ anno

254.

Xy 2

1477.